

LE CHAPITRE DE L'ASSEMBLÉE
contenant vnze versets, escrit
à la Medine.

AV nom de Dieu clement & misericordieux. Loüez Dieu tout ce qui est au Ciel & en la Terre, loüez le Roy Saint, Majestueux & tout-Puissant; il a enuoyé son Prophete Arabe de nation pour prescher ses commandemens aux Arabes, pour les purifier, pour leur enseigner les escriptures, & les mysteres de la foy, ils estoïent auparauant deuoyez du droit chemin. Ceux qui viendront apres eux ne verront pas vn Prophete égal à luy; c'est vne grace speciale de Dieu tout-Puissant & sage, il l'a donné à qui bon luy semble, & ses graces sont immenses. Ceux qui preschent l'ancien Testament & ne font pas ce qu'il ordonne sont semblables à vn asne chargé de liures, ainsi sont ceux qui desobeissent aux commandemens de Dieu, il ne conduit pas les impies. O Iuifs, ne croyez pas estre les bien-aymez de Dieu, attendez la mort vous cōnoistrez vostre erreur; ils ne croyét pas qu'ils seront chastiez de leurs pechez, mais Dieu void tous les iniustes. Dis leur, vous trouuerez vn iour la mort que vous fuyez, vous serez renuoyez deuant Dieu qui sçait le present le passe & le futur, il vous fera

voir tout ce que vous avez fait pour estre iugez. O vous qui croyez, lors que vous serez apellez à l'assemblée du Vendredy pour faire vos oraisons, faites vos prieres & quittez vostre cōmerce ce sera bien fait si vous le cognoissez, lors que vous aurez finy vos prieres, separez-vous, allez où il vous plaira, & demandez à Dieu la grace, souuenez vous souuēt de sa diuine Maïesté, vous serez bien heureux. Lors que les infidelles ont veu quelque profit, ou ont eu quelque diuertissement, ils t'ont quitté, (& son sortis de la predication), Dis leur combien y a t'il de richesses & de diuertissement aupres de Dieu, il est le riche des riches.

*LE CHAPITRE DES IMPIES,
contenant unze versets, escrit
à la Medine.*

AV nom de Dieu clement & misericordieux. Lors que les impies te viendront visiter ils diront qu'ils sont tesmoins que tu es Prophete enuoïé de Dieu; il sçait bié que tu es son prophete, il voit qu'ils dissimulēt & vendent leur foy pout auoir des biés au mode, enquoy ils font mal; ils disent de bouche, nous croyons en la loy de Dieu, & sont des impies dans leurs ames; l'impieté est imprimée dans leur cœur, & ne cōprendront pas les mystères